

आकाशवाणी

- प्रधानमंत्री नरेन्द्र मोदी होर सीबीआई निर्देशक दी नियुक्ति लेई बनाई गेदी कमेटी दी बैठक दी अध्यक्षता कीती।
- गृहमंत्रालय नै सब्बने राज्यें ते केन्द्र शासित प्रदेशें गी नागरिक सुरक्षा दी तैआरिएं दा कल जायजा लैने लेई आखेआ ऐ। इत्त सरबंघे च केन्द्र गृह सचिव सब्बने राज्यें दे मुख्ख सचिवें कन्नै इक बैठक करगन।
- संयुक्त राष्ट्र दे महासचिव एनटोनियो गुतेरेस होरें पहलगाम आले आतंकी हमले दी सख्त निंदेया कीती ऐ। पीड़ित परोआरें प्रति संवेदना पगट कीती ऐ।
- भारत नै नमीं दिल्ली च कनेडा दे उच्चायुक्त गी भारतीय नेतृत्व खलाफ धमकी आली भाषा दा उपयोग करने प्रति ऐतराज दर्ज कराया ऐ।
- आईपीएल च जंदी रातीं हैदराबाद च दिल्ली कैपिटल्स ते सनराइजर्स हैदराबाद बश्कार खेड्डे गोदे मैच इक पारी मगरा भारी बरखा कारण रद्द करी दित्ता गेआ।
- भारत दी तीरंदाज ज्योति सुरेखा ते दीपिका कुमारी चीन दी शंघाई थाहर होने आली तीरंदाजी विश्व कप 2025 च भारती चुनौती दी अगुवाई करगन।

<><><><><><>

PM-Meeting

प्रधानमंत्री नरेन्द्र मोदी होरें सीबीआई दे निदेशक दी नियुक्ति लेई बनाई गेदी कमेटी दी बैठक दी अध्यक्षता कीती। बैठक नमीं दिल्ली च प्रधानमंत्री हुंदी दफतरै च कल होई। बैठक च भारत दे मुख्ख न्यायमूर्ति संजीव खन्ना ते लोकसभा च विपक्ष दी लीडर राहुल गांधी होर बी मजूद हे। एह बैठक सीबीआई दे मजूदा निदेशक प्रवीन यूद हुंदा 25 मई गी दऊं ब'रे दा कार्यकाल समाप्त होने गी दिखदे होई लाई गई ऐ। सीबीआई निदेशक दी नियुक्ति त्रै मिंबरी कमेटी करदी ऐ जेह्दी अध्यक्षता प्रधानमंत्री करदे न ते भारत दे मुख्ख न्यायधीश ते लोक सभा च विपक्ष दे नेता इस कमेटी दे मिंबर हुंदे न।

<><><><><><>

MHA Mock Drill

गृह मंत्रालय नै राज्यें केन्द्र शासित प्रदेशों गी सुरक्षा तैआरिएं दा मूलांकन करने लेई कल “मार्क ड्रिल” कराने लेई आखेआ ऐ। मंत्रालय नै राज्यें गी आखेआ ऐ जे कुसै ब्हाई हमले जां खतरे दी सूरतै च बजाने जाने आले साइरन जिसी घुग्गू बी आखेआ जंदा ऐ, गी चलाने दी स्थिति च रखने ते आम नागरिकें गी बी भ्यास कराइयै तैआर रखने जे हमले दी सूरतै च अपने आप गी बचाने लेई केई किश ते कियां करना ऐ। देसै दे 244 चुने गेदे जिलें च ग्रां सतह पर एह भ्यास कराया जाग। इस सिलसिले च राज्यें दे मुख सचिवें कन्नै अज्ज केन्द्री गृह सचिव गोविंद मोहन हार अज्ज इक विशेष बैठक बी लाने जा करदे न। एह भ्यास महत्वपूर्ण ठकाने दी सुरक्षा सनें सुरक्षित बचाह दी बी भ्यास होग। एह मार्क ड्रिल 22 अप्रैल आले पहलगाम आतंकी हमले दे बाद भारत ते पाकिस्तान बश्कार बनी दी तनोतनी आली स्थिति गी ध्यानै च रखदे होई इक एहतियाती अभ्यास दे तौरा पर कराई जा’रदी ऐ।

<><><><><><>

UN Chief

संयुक्त राष्ट्र महासचिव अंटोनियो गुतरस होरें पहलगाम आतंकी हमले दी सख्त लफ्जें कन्नै निंदेया कीती ते मारे गेदे लोकें दे परोआर आलें प्रति संवेदना जाह्र कीतियां। उनें नागरिकें गी नशाना बनाने आली कारवाइएं गी अस्वीकार्य दस्सेआ ते आखेआ जे दोषिएं गी सख्त सजा थोनी लोड़चदी। गुतरस सुरक्षा परिषद च भारत ते पाकिस्तान बश्कार बधदे तनाह पर बैठक थमां पैहले न्यूयार्क च संयुक्त राष्ट्र मुख्यालय च पत्रकारें कन्नै गल्ल करा’रदे हे। उनें दौनें मुखें बश्कार तनाह घट्ट करने, राजनायिक सरबंध ते शांति ब्हाल करने दे समर्थन ते सैहयोग दा भरोसा दित्ता।

<><><><><><>

Russia Prez-PM

रूस दे राष्ट्रपति ब्लादीमिर पुतिन होरें अज्ज प्रधानमंत्री नरेन्द्र मोदी हुंदे कन्नै गल्ल कीती ते पहलगाम आतंकी हमले दी कड़ी निंदेया कीती। फोन पर गल्लबात दरान पुतिन होरें मारे गेदे लोकें आस्तै संवेदना प्रकट कीती ते भारत गी पूरा साथ देने दा भरोसा दोआया। उनें जोर देइयै आखेआ जे इस जालिमाने हमले दे कसूरवारें ते उंदे साथिएं गी कनून दे कठघरे तोड़ी पजाना चाहिदा।

इक सोशल मीडियो पोस्ट च विदेश मंत्रालय दे प्रवक्ता रंधीर जयसवाल होरें आखेआ जे गल्लबात दरान दौने नेताएं भारत ते स बश्कार खास रणनीतिक साझेदारी गी होर मजबूत करने दी प्रतिबद्धता गी दोहराया। प्रधानमंत्री होरें राष्ट्रपति पुतिन होरें गी विलय दिवस दी 80मीं बरेगगंड दे मौके मुबारकगाद दित्ती ते उनेंगी सलाना शिखर सम्मेलन च ओने दा साददा दित्ता, जेहड़ा गै मगरा इस बारी भारत च होंगन।

<><><><><><>

India Canada

भारत सरकार नै टोरेंटो च नमीं दिल्ली च कनाडा उच्चायोग अगो सख्त ऐतराज जाहर कीता ऐ। इस परेड च भारतीय अगुवाई ते कनाडा च रचा'रदे भारतीय नागरिकें खलाफ अनुचित ते धमकी आली भाषाएं दा इस्तेमाल कीता गेआ हा। भारत नै कनाडा थमां नफरत फैलाने आले ते अलगाववादी तुत्वे खलाफ कारवाई करने लेई आखेआ ऐ। ऐतवारें टोरंटो च कड्डी गेदी रैली च भारत दी केई प्रमुख हस्तिएं गी अपमान जनक तरीकें कन्नै दर्शाया गेआ हा।

<><><><><><>

Sitharaman ADB

केन्द्रीय खजाना मंत्री निर्मला सीतारमण होरें इटली दे मिलाप च एशियाई विकास बैंक दी सलाना बैठक थमां बक्ख इटली दे खजाना मंत्री हुंदे कन्नै मलाटी कीती। दौनें मुखें बश्कार आर्थिक सरबंध मजबूत करने ते आपसी हित दे मुद्दे पर सहयोग बधाने पर गल्लबात होई। बैठक च प्रधानमंत्री मोदी ते इटली दी प्रधानमंत्री जॉर्जिया मैलोनी हुंदे आस्सेआ पिछले ब४रे नवम्बर च घोशत संयुक्त रणनीतिक कार्य योजना लागू करने पर बचार बमर्श होआ। दौनें मंत्रिण बहु पक्खी विकास बैंक च सुधार ते विकासशील देश दी जरूरतें प्रति मता उत्तरदायी बनाने पर बी गल्ल कीती। एहदे शा पैहले सीतारमण होरें एडीबी दी सलाना बैठक गी संबोधत कीता।

<><><><><><>

LoC Firing

पाकिस्तानी बलें आस्सेआ कीती गेदी गोलीबारी दा भारतीय सेना नै कल रातीं जम्मू कश्मीर कन्नै लगदी कब्जा रेखा पर बनकदा परता दित्ता।

रक्षा सूत्रें मूजब पाकिस्तानी फौज नै जम्मू कश्मीर दे कुपवाड़ा, बारामुला, पुंछ, राजौरी, मेंढर, नौशेहरा, सुंदरबनी ते अखनूर इलाकें च कब्जा रेखा कोल बिजन कुसै उकसावे दे लौहके थेआरें कन्नै गोलीबारी कीती। भारती फौज नै एहदा तुरत ते बनकदा परता दित्ता। गोलीबारी च कुसै दे बी हताहत होने दी कोई खबर नेई ऐ।

<><><><><><>

IMD

मौसम विभाग नै अज्ज अरुणाचल प्रदेश, असम, मेघालय, गुजरात, तमिलनाडू, पुदुचेरी, कराईकल ते रायलसीमा च किश थाहरें पर तेज बरखा दी संभावना जताई ऐ। आंध्रप्रदेश दे समुंद्री कंडे आले इलाकें, यमन, केरल ते मोहे च बी कल तगर ऐसी गै स्थिति बनी रौहने दा अनुमान ऐ। जम्मू ते कश्मीर, लद्दाख, गिलगित बाल्तिस्तान, मुज्जफराबाद, हिमाचल प्रदेश, उत्तराखंड, पंजाब, हरियाणा, चंडीगढ़, दिल्ली ते उत्तर प्रदेश च इस हफते तेज हवा चलने ते दरमेयानी दर्जे दी बरखा होने दा अनुमान ऐ।

<><><><><><>

IPL

आईपीएल क्रिकेट च कल रातीं हैदराबाद च दिल्ली कैपिटल्स ते सनराइजर्स हैदराबाद बश्कार मकाबला बरखा करी बाधित होआ। दवै टीमें गी 1—1 अंक हासल होए। पर सनराइजर्स हैदराबाद प्लेहॉफ थमां बाहर होइ गई।द दिल्ली कैपिटल्स 5में नंबर पर ऐ। एहदे थमां पैहले बल्लेबाजी करदे होई दिल्ली कैपिटल्स नै 20एं ओवरें च 135 रंज बनाए। पर सनराइजर्स हैदराबाद दी पारी शुरू होने थमां पैहले बरखा शुरू होई गई। जेहूदे करी मैच बाधित होआ। अज्ज मुंबई इंडियन्स मकाबला गुजरात टाइटंस कन्नै संजा साढ़े 7 बजे वानखेडे स्टेडियम मुंबई च होग।

<><><><><><>

Archery

तीरंदाजी विश्व कप 2025 अज्जै थमां चीन दे शंघाई च शुरू होआ'रदा ऐ। ज्योति सुरेखा ते दीपिका कुमारी इस प्रतियोगिता च भारती चुनौती दी अगुवाई करगंन।

इस म्हीने दी 11 तरीक तगर चलने आली प्रतियोगिता च 8 मर्दे ते 8 महिलां तीरंदाजें दा भारतीय दल कंपाउंड ते रिकर्व मकाबले च हिस्सा लेंगन।

<><><><><><>